

DE
HISTORIAE GRAECAE
PRIMORDIIS
DISSERTATIO

SCRIPTA

CREATIONI

XXV. PHILOS. DD. ET AA. LL. MAGISTRORVM

RECTORE MAGNIFICO

D. CHRISTIANO ERNESTO WEISSIO

PROFESSORE IVRIS CRIMINALIS ORDINARIO. SVPREMAE CVRIAE REGIAE

CONSILIARIO. FACVLTATIS IVRIDICAE ASSESSORE

PROCANCELLARIO

GODOFREDO AVGVSTO ARNDTIO

DISCIPL. POLL. ET POLITIAE PROF. P. ORD. COLLEGI B. N. V.

SENIORE ET H. T. PRAEPOSITO

DECANO

CHRISTIANO DANIELE BECKIO

GRAECC. ET LATT. LITT. PROF. P. ORD. POT. REGI SAXON. A CONSIL.

AVL. REGII SEMIN. PHILOL. DIRECTORE ALVMN. REGG. EPHORO

BIBLIOTHECAE ACAD. PRAEFECTO ACAD. DECENVIRO FACVLT. PHIL.

SENIORE SOC. IABLON. ET OECON. LIPS. LATINAE IEN. VELITERNAE

ARCHAEOL. REGIAE BAV. MONAC. ET ALL. SODALI

GODOFREDO HERMANNO

EQVITE ORD. SAXONVM VIRT. CIVIC. ELOQ. ET POET. P. T. O. COLLEGI B. N. V. ACAD.

ROMAN. ARCHAEOL. SOCIETT. REG. BAVAR. MONAC. ET NANTIIENSIS AC LAT. IENENSIS SODALI

G. Krüger.

DIE V. FEER. A. MDCCCXVIII.

LIPSIAE

LITERIS STARITZII TYPOGE VNIVERS.

Hermann 1818

1818

ED

Quae superiore anno de antiquissima Graecorum mythologia scripsi, fuerunt qui ioco scripta putarent. Hi, quid sentirem, iam ex epistolis meis ad Creuzerum, quas ille una cum suis edidit, cognoscere potuerunt. Sed incepta tantum est illa disputatio, nec mihi nunc ad eam reverti otium est. Placuit tamen, opportunitate scribendi data, cognatum argumentum attingere, quod spectat ad historiae Graecae primordia. Nam quum antiquissimam populorum historiam fabulis obscuratum esse constet, quae res movit historicos, ut tempora fabulosa ab iis temporibus, in quibus certa narratis fides esset, distinguerent: plerique, quae commentis poetarum et famae temeritate perturbata viderent, neque credenda, neque non credenda rati, quum summam tamen rerum veram esse existimarent, magnis, licet vanis conatibus, quia viam rei agenda certam non habebant, conficere aliquid veri, mirasque illas disensiones, quae quum aliis in rebus, tum maxime in temporum rationibus inveniuntur, componere allaborarunt. Et recte illi profecto, si ita est, ut putant, famae lusu poetarumque inventis vitiata esse veritatem. At aliud reliquum est: non illud dico, quod fortasse quispiam conieciat, prorsus fictas esse narrationes illas: nam id abhorret ab illa antiquitatis simplicitate: sed hoc, quod credere iubet stupenda illa, et, si fortuita esset, quovis portento miraculosior nominum omnium ad unum finem conspiratio, longe alias res, quam videtur, narrationibus istis contineri, ita ut narrationes quidem fictae sint, res autem, quas continent, non sint fictae. Quod si ita est, apparet, videndum esse, quae sint illa, quae non sunt ficta. Ea vero aut historica sint necesse est, aut non historica. Si historica sunt, novus historiae fons recludetur, non

adhibitus antea; si non historica, hoc certe historia lucrum faciet, quod qui largus eius, licet parum limpidus fons habebatur, alio derivatus, non amplius adulterabit historiam. Sed habet haec disputatio non parum difficultatis, siue originem harum fabularum spectes, siue interpretationem, siue coniunctionem cum vera historia. Dicam de singulis, quae mea sit sententia; eamque deinde exemplo illustrabo, quo illud confirmem, quod nunc ut concessum fumo, fabulas istas narrationes esse non proprie intelligendas, sed quae res omnes, nominibus appellatas iis, quae naturam earum indicent, quoad fieri possit, ut personas vita praeditas introducant.

Huiusmodi igitur fabulis si historiae primordia contineri contendimus, verendum est, ne id parum credibile esse existimetur. Nam quum omnes gentes infito hominum generi gloriae studio maiorum suorum memoriam recolere, resque ab iis gestas narrando celebrare consueverint, cui non mirum, ac potius incredibile videatur, Graecos, gentem laudis avidissimam, adeo oblivioni tradidisse nomina maiorum suorum, ut pro iis fictos quosdam et commenticios colerent? At factum tamen esse necesse est, si vera sunt, quae de fabulis illis diximus. Desinemus vero mirari, ut opinor, si reputaverimus, quod ipsae satis declarant fabulae illae, poetis hanc omnem adorationem deberi. Quorum quum omnis ars, ut et hae fabulae, et omnis mythologia doceet, in eo posita esset, ut rudi sane tentamento res omnes, quoad eius fieri posset, in personas animarent: consentaneum, immo necessarium erat, ut his personis, quo quid sibi vellent intelligeretur, nomina imponerent naturae earum convenientia. Quo factum est, ut poetarum sermo, quod ad nomina attinet, prorsus a communi sermone diversus esset: quem propterea deorum, ut illum hominum linguam dicebant: id quod etiam Islandiae incolas fecisse monuerunt interpretes ad *Iliad.* α. 403. Quoniam autem penes poetas omnis erat rerum divinarum humanarumque scientia, non est mirum, ex horum auditione commenticias illas appellationes pro vulgaribus obtinuisse, et ita quidem, ut indocta et credula multitudo, paullatim obli-

viscens veritatis fabulis istis involutae, etiam ipsa commenta poetarum vera esse sibi persuaderet.

Difficilior est interpretatio fabularum. Quae quum tota fere ex nominibus petenda sit, non modo propter vetustatem nominum perobscura saepe atque ambigua est, sed etiam propter rerum, quae nominibus illis significantur, diversitatem haud parum dubitationis habet. Nam quum duo sint rerum genera, unum singulare, quod nomina propria habet, ut certi homines locive, alterum infinitum, quod communibus appellatur nominibus, ut montes, silvae, flumina, naves, aut hominum munera, officia, virtutes, vitia: hoc posterius quidem genus, si personis induendum erat, necessario fictis quibusdam nominibus, quae ad hunc finem apta essent, indigebat: in illo priore autem genere nulla huiusmodi apparet necessitas. Et profecto locorum certe nomina ea esse videmus, quibus vere sunt illi loci appellati: ut aut, si haec vera sunt, etiam hominum nomina vera credere oporteat, aut, quoniam de hominibus non est credibile, loci quoque debeant fictis nominibus vocati esse, aut denique, quod solum reliquum est, locorum aliam esse, quam hominum conditionem necesse sit. Et ita sane videri potest. Homines enim moriuntur, mortuisque nihil praeter factorum memoriam superat, ut rectissime quis ex eo, quod fecerit, appelletur. Loci vero manent: qui si aliis quam suis nominibus vocantur, aut ignoti, aut e mentiti videri debent, nominibus illis quales, non qui sint, indicantibus. Et de ignotis quidem locis non difficilius credebant homines, quam de hominibus, quia de his fidem habebant narranti: notis autem in regionibus si nomina locorum non vera commemorata fuissent, detraxissent ea narratis fidem, quia scivisset quisque, non exstare eos. Unde sane absurdum videbitur, in iis, quae de notis regionibus narrabantur, ficta usurpata esse nomina. At quantumvis speciosa haec argumentatio sit, non evincit tamen, ut poetas non etiam in locorum nominibus eadem ratione, qua in hominum, usos esse statuamus: modo meminerimus, nomina, quae ab natura rerum ducta sunt, non esse continuo ficta nomina, sed ea tantummodo ficta dicenda.

VI

esse, quae ab his, quibus in vita communi utebantur, discrepant. Nam poetae illi sine dubio locis non minus quam hominibus ab natura eorum faciebant nomina: sed quia manebant loci, manserunt etiam nomina, et facta sunt propria. Certum enim videtur, multa locorum nomina ex his poetarum fabulis originem traxisse. Vbi autem loca, quae iam habebant nomina sua, commemoranda essent, ineptum fuisset alia iis nomina tribuere; quia iam illi, qui primi nomina ista invenerant, ea aut ab natura illorum locorum, aut ab aliquo memorabili facto deprompserant. Praeterea in rebus, quae ubi actae essent, nihil referret, vera locorum nomina, quae accommodata his rebus essent, delecta videntur; nec minus, quae notis in regionibus gesta erant, iis potissimum in locis facta dici, quorum apta rebus istis nomina invenirentur. Postremo hoc quoque reputare debemus, multis fabulas illas additamentis exornatas ad nos pervenisse: unde veri simile est, quum iusta earum interpretatio iam in oblivionem abiisset, et commenta poetarum ipsa vera esse crederentur, multorum accessisse commemorationem locorum, quorum nulla in fabulis istis mentio fuerat. Hinc aliquot sunt locorum nomina, quorum significatio quomodo cum rebus ibi gestis congruat, vix videatur intelligi posse. Quod si haec ita sunt, prima in interpretandis fabulis illis et praecipua regula haec esse debet, nomina formam habere nominum priorum, vim autem et significationem appellativorum. Cuius regulae observatione uti de sensu fabulae cuiusque certiores reddimur, ita ea etiam velut uno ictu inextricabiles aliter locorum temporumque conturbationes dirimit, siquidem ubi idem nomen non unius certi loci hominisve nomen est, sed omnium, quorum par aut similis conditio fuerit, non est mirum, locos longissime disritos, hominesque multis aetatibus disiunctos eodem nomine vocari. Facile autem intelligitur, ex hac regula aliam nasci, quae haec est: nomen idem diversis rebus tributum, confusionem fabularum; explicationem diversam eiusdem rei, varietatem narrationum produxisse. Ita, qui nuper diligenter de rebus Aegi-

neticis scripsit, Car. Müllerum quum ipsum insulae nomen, tum tot urbes, quae Aegae dictae sunt, Aegaeum mare, Aegaeus mons, Aegaeon, Aegeus, Aegialeus, Aegimius, Aegyptus, aliaque multa nomina, ipsa denique petulcis cornubus insurgens, quae Iovem nutritum fertur, capella admonere potuerant, ne aeneae caprae causa *Αἰγίαν* recte Quassatiam verti negaret.

Sed dicendum est denique etiam de coniunctione harum fabularum cum vera historia. Ex quibus quum aperte effluerit historia, discerni quidem hoc potest certissimo indicio, quod propriis, non appellativis nominibus utitur, neque, quod coniunctum cum hac re est, res personatas introducit. Intelligitur autem hoc ex eo, quod nomina iam fortuita sunt, nec nisi casu cum rebus ipsis conveniunt. Verum quoniam non repente, sed paulatim facta est haec narrandi res gestas commutatio, quum, quae antiquissimi personata tradiderant, non intellecto, quid sibi vellent, pro veris haberi coepissent, et modo, luxuriantibus poetarum ingeniis, mira commentorum varietate augerentur, modo etiam cum rerum vere gestarum narrationibus coniungerentur: perdifficile est et saepe prorsus negatum, confinia describere fabularum atque historiae. Accedit, quod qui primi historiam scripserunt, quum non sensum, sed verba illarum fabularum sequerentur, partim conciliare, quae inter se pugnant, partim coniectando et ratiocinando ad liquidum perducere studuerunt: quibus deinde, ut idoneis auctoribus, creditum est, quum credi omnium minime debuerit. Sed ut possit historia a fabulis satis discerni, illud quaerimus, quid sit in ipsis illis fabulis, quod historiae nomine dignum sit. Quarum si haec, uti diximus, ratio est, ut omnia non propriis nominibus, sed appellativis designent, nihil aliud eas continere apparet, quam quali quid in loco et a qualibus hominibus gestum sit. At haec non est historia. Nam historiae proprium est, ut id, quod narratur, cum eo cohaereat, quod hi, quibus narratur, ipsi sensibus suis percipiunt. Quumque historia et quid factum sit, et a quo, et quando, et ubi, indicare debeat, de his omnibus testium fidem requirimus, quae in rebus pervetustis fere eo redit,

ut, quae narrantur, neque per se incredibilia sint, neque his, quae certo facta scimus, repugnent. Sed in his quod primum est, certum aliquod factum, id quum sponte intelligatur et a certis hominibus, et certo tempore, et certo in loco factum esse, tamen nulla re magis cum iis, quae vera esse scimus, cohaeret, quam loci significatione. Nam homines certi non possunt intelligi, nisi qui certarum gentium fuerint, eoque locos tenuerint certos; tempora autem ex factis horum hominum computantur: unde si loci incerti sunt, etiam caetera labefactari necesse est. Quod si, ut supra dicebamus, etiam loci in fabulis istis appellativa habent nomina, quomodo sciemus, ubi res illae gestae sint? Tribus modis, nisi fallor. Primus, isque certissimus est, quum, quae narrantur, ipsa certum loci indicium praebent. Secundus, quum quid apud certum maxime populum celebratum videmus: verisimile est enim, ibi aliquid gestum esse, ubi plurima eius fama circumferatur. Tertius denique, quum nomina locorum, quae in fabula sunt, aperte de his locis, qui vere iis nominibus vocati sunt, intelligenda esse apparet. Quamquam hoc, ut supra diximus, non ubique satis certum argumentum est, propterea quod multa horum nominum postero demum tempore in fabulas istas videntur illata esse.

Haec si vere disputata sunt, non magis eos, qui fabulas veteres ab historia segregant, quam illos, qui ista omnia sic, uti narrantur, acta esse credunt, audiendos putabimus, sed, detracto ornatu poetico, iustaque interpretatione adhibita, materiem narrationum illarum res esse vere gestas censebimus. Simul autem ipsa rei natura nos admonebit, nihil in hoc genere tam incertum esse, quam temporum rationes; neque obliviscemur, uti recentia, vigente adhuc plerorumque factorum memoria, longa videntur, ita antiqua, paucissimorum commemoratione servata, brevia videri.

Sed placet iam, quae diximus, exemplo comprobare. Inachi filiam Io, Argis profugam, post longos errores in Libyam venisse dicunt; ab hac ortas Danaïdes rediisse Argos, quarum ab una genus duxisse Perseum, a quo Persidas Argis imperitasse;

quorum partem expulsos, et ex his Herculem natum esse; huius posteros tandem reverbos sibi Peloponnesum subiecisse. Referam haec, omissis quae non sunt necessaria, Apollodoro potissimum auctore, qui libro secundo de his rebus exposuit. Sed in eo deferam Apollodorum, quod huic Io octava demum generatione ab Inacho orta perhibetur, quum eam plerique et gravissimi auctores filiam fuisse Inachi dixerint.

Igitur Oceani filius *Ἰναχος*, Evacunus, filiam habuit *Ἰώ*, Itiam, quam amans Iuppiter quum in vaccam transformasset, quo ea *Ἥρα*, Populonium, lateret, haec *Ἄργον*, Micuum, custodem multis oculis praeditum puellae addidit, furoremque ei immisit. Micuum quum Mercurius, oculis eius confopitis, occidisset, aufugit Itia. Non est obscurum, aquas dici, quae fluvio aliquo sive lacu exundante, imbribus auctae, (is est amor Iovis) tortuoso cursu sibi viam fecerint; hinc cornua, insignis fluviorum, et vaccae forma. Populus, qui ea loca accolebat, aggere aquas cohibuit ex argilloso limo, qui et albus est, unde nomen Argi, et spongiosus plenusque tubulis, unde *μυριωπὸς* et *πολύφθαλμος*; ab origine autem et officio idem *γενεής*, terrigena, et *Ἀλενάδης*, filius A verrunci, dictus. *Ἄργον* Micuum verti, ut ambiguitatem nominis servarem. Nam qui cognata vocabula comparaverit, communem omnium micandi significationem reperiet, quae nunc ad solam celeritatem, nunc etiam ad candorem translata est. Satiato aqua limo, oppletisque rimulis omnibus, quae res per confopitos oculos indicatur, aquae, via reperta, quod Mercurio auctori adscriptum, perruperunt, et libero cursu se profuderunt: unde nomen *Ἰώ*. Errores Ius persequi longum est et inutile: finis eorum videndus. De quo sic Apollodorus II. 1, 3. *τελευταῖον ἦκεν εἰς Αἴγυπτον· ὅπου τὴν ἀρχαίαν μορφήν ἀπολαβοῦσα, γεννᾷ παρὰ τῷ Νεῖλῳ ποταμῷ Ἐπαφον παῖδα. τοῦτον δὲ Ἥρα δεῖται Κουρήτων ἀφανῆ ποιῆσαι· οἱ δὲ ἠφάνισαν αὐτόν. καὶ Ζεὺς μὲν αἰσθόμενος, κτείνει Κούρητας· Ἰὼ δὲ ἐπὶ ζήτησιν τοῦ παιδὸς ἐτράπετο πλανωμένη δὲ κατὰ Συρίαν ἄπασαν· ἐκεῖ γὰρ ἐμηνύετο ὡς τοῦ Βυβλίων βασιλέως γυνὴ ἐτιθήρει τὸν υἱόν· καὶ τὸν Ἐπαφον εὐροῦσα, εἰς*

Αἴγυπτον ἐλθοῦσα, ἐγαμήθη *Τηλεγόνῳ* τῷ βασιλεύοντι τότε *Αἴγυπτιον*. Non opus fuerat, Aegyptum et Nilum nominari. Manifestum est enim, Io ipsam aquas esse Nili: quae multis amfractibus in eam regionem, cui Aegypto nomen est, delatae, recuperata pristina forma, i. e. rursus exundantes, omnia occupant: unde filius Ius *Ἐπαφος*, Occupus. Hunc ut occultent, Populonia rogat Iuventios; quos perpetrato facinore occidit Iuppiter. Id est, populum per eos, qui aetate et sollertia maxime vigerent, canales fecisse, quibus defluerent aquae; sed conatum hanc irritum fuisse. Non dissimilem fabulam narrat Diodorus I. 19. Porro quum Itia filium apud reginam Pleniorum, ubi alebatur, invenisse, et reversa in Aegyptum Proculigno, regi Aegypti, nupsisse dicitur, apertum est, significari desideratum incrementum Nili, copiamque aquarum ex montibus, qui iis pleni sint, quos Aeschylus *Βύβλιν* ὄρη vocat, iterum profusam, idque deinde quotannis factum, quasi per legitimum cum remotissimo earum fonte connubium, qui ob fertilitatem, quam affert, merito rex Aegypti dictus est. Eadem causa etiam Epaphus rex Aegypti perhibitus, cui uxor *Μέμφης*, Remeligo, peperit filiam *Αἰβύνην*, Oppletiam, quod annua Nili exundatio limo omnia, quae infra Memphin sunt, oppleta destituit. Vide Herodotum II. 14. Postea nomen Libyae latius extensum.

Consistamus hic paullum. Nam quum apertissimum sit, haec omnia ad Africam pertinere, et Inachum fontes esse Nili, Nilum ipsum autem per filiam Inachi Io designari, quomodo cum his illud conciliabimus, quod eadem Io et Argiva ab omnibus perhibetur, et omnem propemodum Europam atque Asiam peragraffe dicitur? Facile, ut opinor, si quattuor diversas fabulas in unam confusas esse cogitabimus. Vna est, quam explicuimus. Secunda, in qua Io aquas paludis Maeotidis perrupto gemino freto, cui utrique ab ea re Bospori nomen, inditum, per pontum Euxinum in Hellespontum profusas significat. Tertia fabula et quarta Argivorum propriae sunt. Ac tertia quidem aliter ab aliis narratur: v. Pausaniam II. 5, 5.

16, 1. schol. Eurip. ad Orest. 920. 1239. ed. Matthiae, et Hyginum fab. 145. sic autem ab Apollodoro: Inachum, sive Evacuum, et *Μελίαν*, Cicurinam, sive Mitigam malis, genuisse *Φορωνέα* et *Αιγιαλέα*, Feronium et Orum; Orum, sine liberis mortuum, nomen reliquisse Peloponneso *Αιγιαλείαν*, Oram; Feronio ex *Τηλεδίκῃ*, (sic enim scribendum) i. e. Proculicia, natos *Ἄπιν* et *Νιόβην*, Abitium et Imimeam; Abitio, saevo tyranno, a quo Peloponnesus, *Ἀπία*, Abitia, dicta, insidiis *Τελχίνος* et *Θελξίονος*, Mulciberi et Bitillicis, interempto, Imimeam ex Iove primam mortalium peperisse *Ἄργον*, Micuum, qui regno Feronii accepto Peloponnesum ab se Micuum appellaverit; huic ex *Εὐάδῃ*, Vbertina, *Στρώμονος* et *Νεαίρας*, Torrentii et Recentanae filia, genitos *Ἐχέασον* (id enim genuinum nomen est) *Πείρανθον* sive *Πείρασον*, *Ἐπίδανρον*, *Κρίασον*, Egredium, Tentonem, Incolum, sive ille ab accendendo igne, sive ab indormiendo dictus est, et Dividum; Echaso natum *Ἀγήνορα*, Ducentium; huic *Ἄργον*, Micuum. Horum hic videtur fensus esse. Fluctibus diluvii componi coeptis, defluerunt aquae, omnia secum auferentes, et, oris patefactis, vastum ubique desertum relinquentes: quod est crudele regnum Abitii, quem Aeschylus *Ἀπόλλωνος*, Necini, filium dicit. Nam Buttmannus vereor ut multis persuasurus sit, quod in Lexilogo p. 67. seq. neglectis, quae maxime considerata erant, in medium attulit. Regno isti Abitii insidiabantur artes et invitamenta adeundi terram firmam. *Τελχίνες* dicti videntur quasi *Τευχίνες*, ut *Τελμησσός*, et *Τευμησσός*, de quo Valckenarius ad Phoen. 1107. Sed humor terra reפורptus fecit adiuvente caelesti calore, ut herbae emicarent, quarum ubertas, imbrium copia et recenti fecunditate soli procreata, eos, qui navibus ad ea loca appulerant, movit, ut egrederentur, tentarent regionem, habitarent, et inter se dividerent. Egressi alios eodem adduxere, unde splendida progenies. Is Argus est: quem vereor ne Apollodorus non recte oculatum illum esse putaverit. Illud vero recte fortassis, quod oculato illi Argo, siquidem hic limum significat, ex *Ισμήνῃ* Lentula, *Ἀσωποῦ*, Lutatii, filia *Ἰάσον*, Itium, cuius filia *Ἰώ*, Iulia,

fuerit, natum dicit. Quod est, aquas ex locis palustribus lento lapsu paullatim in alacriorem rivum collectas, deinde exundavisse. Vnde Aeschilo Lernam petiisse Io dicitur. Quarta denique fabula ea est, cuius Herodotus mentionem facit I, 1. Io, Inachi regis filiam, raptam a Phoenicibus, et in Aegyptum asportatam esse. Nam verba τὴν Ἰνάχου bene vindicavit Buttmanus in Museo stud. antiq. Germanico vol. II. P. II. p. 371. seqq. Ita igitur quum modo Argivae mulieres, modo exundantes aquae vel Nili, vel paludis Maeotidis, vel fluvii cuiuspiam Argivi eodem Ius nomine dicerentur, poetae, de interpretatione fabularum securi, omnia ad unam Argivam puellam retulerunt, et, quo ea apte coniungerent, varias errorum Ius descriptiones contexuerunt.

Sed redeo in viam. Libya, sive Oppletia, ex Neptuno parit Ἀγήνορα et Βῆλον, Ducentium et Liminem: quod est navibus delatos ad Libyam, alios longius progressos esse, alios in ipsa ora mansisse. Limen uxorem duxit Ἀγχινόην, Proximinam, filiam Nili, ex qua geminos suscepit, Αἰγυπτον et Ἀναάον, Volucrem et Naucularium: quorum Volucer Arabiam petiit, Naucularius autem Libyam tenuit. Apertum est, captum ex tempore ab advenis, qui manserant, consilium dici, quorum alii Arabiam occuparint, equorum velocitate ad rapinas conversi, qui mos ad hodiernum usque diem mansit Arabiae; alii autem, manentes ad mare, navigationi operam dederint. Hinc quae Nauculario nascuntur quinquaginta filiae, naves esse apparet; praedones autem, qui totidem sunt filii Volucris. Quos metuens Naucularius cum filiabus confugit Ἀργος, Micuam. Nihilominus eo venire Volucris filii, nuptum illas sibi petentes. Daturum se spondet Naucularius, sed clam mandat filiabus, ut prima nocte sponfos interimant. Fecerunt id illae, praeter unam, quae sponsum, quod se virginem esse sivillet, incolumem servavit. Non est obscurum, naves dici a praedonibus captas, sed deinde naufragium passas, praeter unam, quam tempestas cum praedonibus, qui eam ceperant, redire in portum coegit. Haec quod feliciter navigarat, Περιμένηστορα,

Praenifia, dicta: praedonum autem, qui eam tenebant, vigilantia Lyncei nomine significata. Praenifiam pater Naucularius carcere aliquamdiu inclusam, postea Lynceo uxorem dedit: i. e. praedones, quum spe potiundae navis excidissent, et ipsi in illorum potestatem, quorum ea navis erat, venissent, familiares factos, propriam accepisse illam navem. Reliquae Naucularii filiae quum victoribus in solempni certamine nuptum datae dicuntur, de qua re explicatius scripsit Pindarus Pyth. IX. 195. nihil aliud quam resectas esse quassas naves et ad defensionem instructas indicatur. Obiter addo, nota illa Danaidum apud inferos poena sortem navium describi, quae ubi in scopulos illisae fatiscunt, omnem exhaustiendi laborem eludunt.

Iterum hic duae fabulae in unam coniunctae. Nam ut fuerint, qui ex Aegypto propter Arabum incursiones Argos confugerent, (sic autem fama erat apud Argivos) at quis etiam Arabiae equites Argos venisse credat? Itaque qui illuc *Αἰγυπτιάδαι* venisse dicuntur, praedones sunt maritimi, a navigandi celeritate ita vocati.

Post Danaum Argis regnans Lynceus ex Hypermnestra uxore *Ἀβαντα*, Nebitonem, genuit, qui ex *Μαρτίνας*, Vaticini, filia *Ῥαλέα*, Convola, geminos suscepit, *Ἀχρίσιον* et *Προῖτον*, Inseparantium et Proficiscentium: i. e. praedones per connubia cum iis, quorum in potestatem venerant, iunctos non amplius de abitu cogitasse, sed postea propter vaticinium quoddam congregata multitudine partem manere, partem abire decrevisse. Et abit Proficiscentius in *Λυκίαν*, Luciam, i. e. nisi fallor, orientem versus. Inseparantius autem uxorem ducit *Εὐρυδίην*, Latiuriam, *Λακεδαίμονος*, Dii Locutii, filiam, ex qua *Ναυαήν*, Nauculariam, suscepit: quo significatur, manentes in patria, deborumque ius sancte colentes, navigationi operam dedisse. Sed praedixerat oraculum, interemptum iri Inseparantium a nepote suo: nempe metuendum erat, ne navigantium commercia, auctis opibus, dominationem opulentiorum afferrent. Vnde Naucularia diligenter observata, sive, ut poetae dixerunt, turri inclusa est. Nihilominus ea auro corrupta con-

cepit *Περσέα*, Penetrium, sive Expugnantium dicere malis: qua re cognita, eiecta est in cista, i. e. suspecti in navem impositi, et in exilium acti. Delatam navim ad *Σέριφον*, Coriniam, (quae, nisi fallor a *σειέν* et *ρίπτειν* dicta, quasi terrae motu proruta) cepit *Δίκτυς*, Retius, frater regis *Πολυδέκτου*, Accipitris. Piratas intelligi, vel ex his satis clarum est; magis etiam ex iis, quae sequuntur. Nam amore Danaae captus Polydectes, quum, adulto Perseo, potiri ea non posset, convocatis amicis, ut ad celebrandas nuptias *Ἰπποδαμείας*, Vedomnae, filiae *Ὀινουμάου*, Vindemii, symbolam conferrent, equos ab omnibus exegit: quos Perseus quum dare nollet, postulavit Polydectes ab eo, ut, quoniam se vel caput Gorgonis allaturum iactasset, staret promissis, et id exsequeretur. Ita ille necessitate coactus, quum ducibus Graeis pervenisset ad Gorgones, positus equo Pegaso, qui ex cervice occisae Medusae profiluerat, in Aethiopiam avolavit, insectantibus Gorgonibus; liberataque ibi Andromeda, redux ad Seriphios, quum ibi matrem Danaen et Dictyn ad aras auxilium deorum adversus vim et violentiam Polydectae implorantes invenisset, ostenso capite Gorgonis, Seriphios in lapides transformavit, regnoque Dictyi tradito, cum matre Danae et Andromeda Argos repetiit. Plana hic omnia. Fratres sunt Dictys et Polydectes, quia ambo praebones: sed alter ceperat navem; alter, dux praedonum, sibi eam vindicabat, ad se pertinere fructum capturae ratus: sed metuebat tamen Perseum, i. e. navigantes, captos cum navi. Adultus hic dicitur, quod qui cum fluctibus conflictantes facile capi potuerant, servati e mari magis erant ad resistendum idonei. Ad hoc metu ut se liberaret Polydectes, expeditionem indicit ad vinum afferendum; piratisque omnibus naves apparantibus, Perseus, sive peregrini illi, quibus adempta erat navis, ipsi quoque vinum quaerere cupientes, quum per ludibrium uderentur sine navi mare traicere, conati non modo undas ad littus spumantes, sed etiam remotiores fluctus natando superare, devicto adverso eorum cursu, navi, quae in mari stationem habebat, potiuntur, et sic vela dant, atque Aethio-

piam petunt. In Aethiopia regnabat *Κηφεύς*, Flexius. Hunc et Phineum Euripides ex Belo; plerique aptius ex Agenore prognatos scripsere. Cepheum fuerunt etiam qui a Neptuno genitum dicerent. Et hic quidem ab eo dictus, quod iter, quo ignotam regionem explorabat, retro flexit; *Φινεύς* autem, Littorians, quod in litore sedens, adventumque navis alicuius sibi vaicinans, obtusa prospectando oculorum acie, misero foedoque victu, quem fluctus a procellis non rursus raptum in vado relinquerent, vitam toleraverit. Ex his igitur Flexius uxorem habuit *Κασσιόπειαν*, Facundinam, quae quod sese pulcriorem Nereidibus iactasset, hae una cum Neptuno indignatae undis obruerunt regionem, immiseruntque belluam marinam; a quibus malis non aliam liberationem esse oraculum dixit, quam si filiam illi suam *Ἀνδρομέδην*, Viriregam, belluae isti praedam obiicerent. Quod factum est, puella ad rupem alligata. Horum hic sensus est. Navigantes ad ignotam regionem delati, quum per accolae oberrantes facundia sua, ut Homericus Ulysses, multum auri collegissent, (hoc enim regit homines) reversi omnibusque se navigantibus feliciores rati, litus fluctibus vastatum, haerentemque navem suam in aggesta glarea, quae per *κῆτος* significatur, invenerunt. Ita divitias suas in litore deponunt, glareae removendae praedam futuras. Casu adveniunt isti, qui Seripho a praedonibus aufugerant, potirique his opibus cupientes, consentientibus illis, navem eorum remota glarea (id est enim occidi monstrum marinum) in mare protrudunt, acceptisque divitiis, sua navi abeunt. Reversi ad praedones, quum ex improvise iam ut hostes apparuissent, praedones stupore ac metu obriguerunt. Itaque vindicata navi, in qua olim capti fuerant, et imperio praedonum permissio ei, qui ceperat ipsos, ut minus iniusto, domum revertuntur ad suos revisendos. Id est, quod Acrisii visendi causa Perseus Argos redisse dicitur.

At Acrisius, sive Inseparantius, oraculi metu in *Πελασγιῶτιν*, Hostiam, se receperat, ubi *Τευτάμιος*, Apparo, rex *Αερίσσης*, Volupiae, ludos funebres celebraturus erat. Eo ve-

nit in itinere etiam Perseus, et in certamine imprudens percutit pedem Inseparantii, quo ictu is perit. Ille agnito, quem occidisset, sepelit eum, et, veritus regnum eius poscere, quod hereditatium ipsi erat, *Τίρυνθα*, Tortonam, se confert ad filium Proficiscentii *Μεγαπένθη*, Perdolentium, cum eoque sortes commutat, ut is Argis, sive Micuae, ipse autem Tortonae imperet, communis *Μιδεία* et *Μυκήνη*, Fissia et Patulina, urbibus. Ibi nascuntur ei ex Virirega *Ἀλκαῖος*, *Σθένελος*, *Ἐλειος*, *Μήστωρ*, *Ἡλεκτρώων*, *Γοργοφόνη*, Opitius, Valerius, Capio, Capessitor, Exercitanus, Trucida. Nihil aliud his continetur, quam reverbos illos esse, qui olim pulsi et a piratis capti fuerant, quumque in itinere devertissent ad ignotos quosdam advenas, invenisse ibi illos, a quibus fuerant eieci: hi enim ubi redire illos audiverant, alias sedes quaesitum ibant, vindictam metuentes. Ibi casu eos illi impediunt a progrediendo: is est ex pedis vulneratione interitus: pudore tamen non ipsam patriam suam repetunt, sed ad eos populares suos, qui sponte abierant, accedunt, quos inveniunt male afflictos et dolentes infelici profectionis suae successu. Itaque convenit, ut hi in antiquam patriam redeant, ipsi autem horum sedes occupent. Et quoniam multis cum divitiis advenerant, communis urbibus antea vicatim habitatis nec moenia habentibus, opes sibi, et potentiam, et amplificandi regni copiam, et nova moliendi facultatem, et belligerandi strenuitatem, denique etiam classem parant. Haec est enim *Γοργοφόνη*, nupta *Περύρρῳ*, Praeremio.

Iam *Ἀλκαῖος* et *Ἱππονόμη*, Opitius et Equipasca, filia *Μενουκίως*, Domitui, *Ἀμφιπρύωνα* et *Ἀναξῶ* procreant, Amtruum et Subigam. Domi manentium enim est, equos alere opi ferendae hominibus, si domi ad cursum instituantur. Nisi verius Pheneatae, ut Pausanias narrat VIII. 14, 2. *Λαονόμην*, Poplipascam, *Γουνέως*, Fecundani, filiam, uxorem Alcaeii, fuisse dixerunt, quo apertum est auctam multitudinem hominum, et inde expeditionum faciendarum, subigendique alios opportunitatem factam dici.

Μήστορι, *Capessitori*, et *Λυσιδίκη*, *Iurupae*, *Πέλοπος*, *Nigrini*, filiae, *Ἰπποδά*, *Equicita*, nascitur: quam raptam *Neptunus* in insulas *Ἐχινάδας*, *Spineas*, transfert, ex eaque *Τάφιον*, *Sepelinum*, creat, qui *Τάφον*, *Sepeliam*, condit, populumque *Τηλεβόας*, *Clamitanos*, vocat. I. e. novandi cupiditas cum barbarica iniustitia coniuncta navem piraticam fabricatur, et saxosas insulas petens, ibi sepelit, quidquid ingenti cum clamore impetum faciens rapuerit. *Sepelini* filius fuit *Πτερέλαος*, *Pinnigrex*, quem *Neptunus* aureo capillo donatum immortalem fecit. Ei filia *Κομαιθώ*, *Crinicrema*, et filii *Χρόμιος*, *Τύραννος*, *Ἀντίοχος*, *Χερσιδάμας*, *Μήστορ*, *Εὐήρης*, *Fremo*, *Torsius*, *Pertinax*, *Manceps*, *Capessitor*, *Remex*. Significatur praedo, celeres naves habens, et maritimis latrociniis perpetuo aurum coacervans.

Exercitanus *Subigam* sibi connubio iungit, filiamque ex ea suscipit *Ἀλκυήνην*, *Opitulanam*, et filios complures, ex quibus tantum postremum natu nominare attinet, *Λιχύμνιον*, *Subolescentium*, ex pellice *Μιδέα*, *Fissia*, natum, muliere *Φρυγία*, *Frixia*. Significantur autem militum vagi concubitus cum mulieribus opera domestica obeuntibus, et succrescens inde proles.

Σθενέλου et *Νικίππης*, i. e. *Valerii* et *Vincequae*, *Πέλοπος*, *Nigrini*, filiae, quam alii *Ἀστυδάμειαν*, *Vrbidomam*, vocant, progenies fuerunt *Ἀλκινόη* et *Μέδουσα*, *Praesidiana* et *Guberna*: post natus *Εὐρυσθεύς*, *Latipos*, qui deinde *Patulinae* rex fuit. Nam quum *Ἡρακλῆς*, *Popliclutus*, nasciturus esset, *Iuppiter* autem dixisset, qui primus ex *Persei* semine in lucem esset proditurus, eum regnaturum esse, *Populonia Lucina* adduxit, ut partum *Poplicluti* moraretur, maturaret autem *Latipotis*, unde is septimestris natus. Haec apparet sic interpretanda esse: opibus secundo cum peregrinis commercio auctis praesidium partum esse et imperium; post latius extensam potentiam; vacuo autem regno non virtuti, sed, populi favore, potentiae tributum esse imperium, etiam immaturae.

Exercitano *Patulinae* regnante, filii *Pinnigregis* cum *Sepelinis* venerunt, *Capessitoris* avunculi regnum repetentes: quos

XVIII

parvi faciebat Exercitanus: at illi armenta eius abegerunt. Quae quum eripere iis conarentur filii Exercitani, ad interne-
cionem pugnatum est, servatis tantum Subolescentio, Exerci-
tani filio, adhuc adlescente, et Pinnigregis Remige. Qui
evaferant Sepelini, vela dederunt cum armentis, eaque servanda
commiserunt Πολυξένῳ, regi Ἡλείων, Palantium. Redempta
inde reduxit ea Amtruus Patulinam: Exercitanus autem, caedem
filiorum ulturus, regno filiaque Opitulana Amtruo, qui se vir-
ginem eam servaturum iuraverat, commissis, bellum inferre
Clamitanis parabat. Ibi dum recipit armenta, Amtruus in
unam ex vaccis, quae discedebat a grege, baculum coniicit,
quod a cornibus eius in caput Exercitani resiliens, hunc peri-
mit. Eo praetextu usus Valerius, Argis eiicit Amtruum, atque
ipse Patulina et Tortona potitur, Filiam autem arcessitis Ni-
grini filiis, Ἀργεῖ et Θυέστη, Netremo et Furio, tradit. Haec
quoque plana sunt. Praedones invadunt regnum virorum bel-
licoforum, acrique proelio fortissimis utrimque occisis, et
superstitibus tantum hinc adolescentibus, hinc remigibus, cum
praeda abeunt, eamque apud hospitem, erroneos omnes reci-
pientem, relinquunt. Missi illuc, qui eam vindicarent, ubi
redierunt, tuendi regni cura iis demandatur. Sed, dum recu-
perata explorantur et percensentur, pars deesse videtur: unde
orto tumultu, rex ipse perit: quo facto, qui potentia valebant,
non sinunt illos summa rerum potiri, sed abigunt eos, ipsique
imperium invadunt, parte regni commissa viris impiis, quorum
malignitas magni postea discidii causa exstitit.

Amtruus iam cum Opitulana et Subolescentio Θίβας,
Cultuam, se confert, ubi Κρόντος, Regi, beneficio lustratus,
sororem suam Περιμήδην, Praeconsam, uxorem dat Subolescen-
tio. Opitulana quum nupturam se edixisset ultori peremptorum
fratrum, Amtruus, assumptis compluribus sociis, vastat insu-
las Sepelinorum, sed vivo Pinnigrege capere non potest. Ve-
rum filia huius Criniceuma, amore Amtrui capta, evulso patri
aureo capillo, nude vita eius pendebat, facit, ut Amtruus in-
sulas sibi omnes subiiciat. Hic interfecta Criniceuma, praeda

onustus, insulisque Ἐλείῳ et Κεφάλῳ, Capioni et Capitoni, traditis, Cultuam revertitur. Indicant haec, expulsos a finitimis ad loca culta se recepisse; ibi iuventutem eorum educatam et salutaribus praeceptis formatam esse; quum autem ulciscendis iis, qui a praedonibus occisi fuerant, meliorem sibi conditionem parare cuperent, misisse eo viros bello gerendo aptos, quos aliis advocatis sociis bellum fecisse praedonibus; sed quamdiu his celeres naves essent, quas inexhaustis thesauris suis semper sibi novas in locum amissarum parabant, non potuisse eos debellare; at incolas insularum, diuturno bello fatigatos, optantesque ut vinceret obsidentium exercitus, incendio perdididisse thesauros. Ita illos potitos insulis, diripuisse eas, et parte sociorum ibi relictas, ne his quidem pepercisse, qui incendendis thesauris expugnationem adiuverant.

Reversus Amtruus compressam ab Iove invenit uxorem suam Opitulanam, quae geminos enititur, Popliclutum ex Iove, Ἰφικλέα, Violutum, ex Amtruo. Poplicluti facta prolemque praetereo. Eo post multa praeclare gesta mortuo, filii eius, Latipotem fugientes, Τραχίνα, Tesquam, ad Κήρυκα, Tranquillum, concesserunt: ubi quum sibi tradi eos postulare Latipos, relictas Tesqua, per Ἑλλάδα, Volviam, aufugerunt, donec persequente eos Latipote Ἀθήνας, Nelactam, compulsi sunt, ubi ad Ἑλέον, Miserantii, aram confidentes, auxilium implorarunt Nelactanorum. Impetrato, magna strages edita filiorum Latipotis, ipse autem in fuga fracto curru in rupibus Σχειρωνίων, Asperoniis, ab Ἰλλῳ, Aquario, interfectus est. Inde Poplicluti progenies totam Peloponnesum cepit, sed sterili anno incidente, coacta est in Μαραθῶνα, Tabenam, se recipere: Τληπόλεμος autem, Perduellius, quum imprudens Subolescentium in ipsa adhuc Peloponneso occidisset, exsul abiit Ρόδον, Teneriam. I. e. ex his, qui diuturna illa expeditione exercitati ad suos redierant, exstitisse fortissimos viros, qui longe lateque vagati, plurima egregia facinora ediderunt. Horum posterii, quibus iussu erant illi, qui eos expulerant, confugerunt in locos sal-

tibus asperos, et latitarunt ibi aliquamdiu sine vexatione. Sed quum se non amplius tutos putarent, huc illuc acti, compulsi sunt in loca sterilia, ubi impetrata incolarum misericordia auxilioque, loci natura iuvante, qui alendis hostibus non sufficiebat, vicerunt eos, et partim mari merferunt. Vnde reversi vastarunt Peloponnesum, sed idem ipsi passi sunt, ut victus inopia, amissaque in proeliis maxima parte iuventutis, mari se committere, atque amoeniorem sedem quaerere cogerentur.

Alii postrema aliter narrant, ut Diodorus IV. 58. reverentes duce Aquario, quum in Isthmo hostem invenissent, pacatione facta, duos pro universis dimicasse Aquarium et Cohibuum, qui *Ἐχεμος* Graece dicitur: caesoque Aquario, ex pacto recessisse illos. Quod apertum est significare, in Isthmo navibus advectos prohibitos esse escensionem facere. Sed redeo ad Apollodorum, quo auctore superstes mansit Aquarius, qui quum uxore ducta *Ἰόλῃ*, Copiana, tertio anno, quia segetem tertiam exspectari oraculum iusserat, reditum tentasset, a *Τισαμένῳ*, Vindicio, *Ὀρέστου*, Exciti f. vineitur, caeso in pugna *Ἀριστομάχῳ*, Fortissimano. Iterum eodem accepto oraculo, *Τήμενος*, Immanfius, edoctus tertiam generationem significari, in *Λοκρίδος*, Calviae, parte ea, quae *Ναύπακτος*, Navaliam, dicta est, classem fabricatur. Ibi mortuo *Ἀριστοδήμῳ*, Optumatio, relictii filii ex *Ἀργείᾳ*, Micuana, *Ἀντεσίωνος*, Vltronei filia, *Εὐρουσθένης* et *Προκλῆς*, Latipotens et Proclutus. Etiam classis afflicta, quod *Ἰππότης*, Equirius, filius *Φύλαντος*, Gentiani, qui ex *Ἀντιόχῳ*, Pertinace, nepos erat Poplicluti, vatem quemdam interfecisset. De qua re oraculum consulenti Immanfio responsum est, Equirio ad decem annos in exilium acto, duce uteretur trioculo. Invento *Ὀξύλῳ*, Acutulo, *Ἀνδραίμωνος*, Cruentani f. qui uno oculo captus equo infidebat, exsul in *Ἠλιν*, Palantium, et inde in *Αἰτωλίαν*, Mendiciam, concesserat, iam autem domum redibat, hunc ducem sequenti, vincunt, occiduntque Vindicium; ipsi autem amittunt filios *Αἰγυμίου*, Exsultii, *Πάμφυλον* et *Δύμαντα*, Omnigenium et Immerfium. Sortitisque deinde Peloponnesum, Immanfio

Ἀργος, Micua; Optimatū filiū *Ἀλκιδάμωνα*, Divilocutia; *Κροσφόνη*, Primoricidae, *Μεσοίην*, Mediana, obtigit. Horum hic sensus est. Qui superstes erat exercitus, novis copiis auctus iterum tentat Peloponnesum: sed clade accepta, fortissimisque militibus amissis, in regione altis montibus septa classem parat. Ibi moriuntur homines nobilissimi: reliquae tamen satis idoneae adhuc copiae sunt, quas nobilium illorum claritas ad partes ipsorum perduxerat. Sed classe, quae confecta erat, per tempestatem disiecta, cuius rei culpa referebatur ad nautas, qui suspectum quemdam interfecissent, diu dilatam esse expeditionem. Tandem, exsulem quemdam, qui caede perpetrata multum vagatus et mendicatus erat, debilitate fretum traicere videntes, ea parte ipsi quoque traiciunt, eosque, a quibus afflicti ante fuerant, acri proelio vincunt: in quo etsi ipsi quoque partem omnium sociorum et qui maxime in acie fuerant, amittunt, tamen victores trifariam Peloponnesum inter se dividunt.

Deduxi haec eo, quo volebam. Quae si sic, uti dixi, intelligenda sunt, mirum est, ad quam exilitatem tot splendidissimae narrationes extennentur. Nam ut locorum nomina omni fictionis suspitione libera esse statnamus, quid aliud habemus, quam res magnam partem a praedonibus gestas, easque vix dignas memoratu? Quod si summam ex his colligimus, haec est, quae historia appellari possit. Advenae Aegyptum atque Arabiam occuparunt. Ex Aegypto quidam Argos seu venire seu rediere. Ibi eos invaserunt praedones, quorum nonnulli manserunt apud eos. Postea pars rerum novarum cupida alio sedes quaesitum abiit. Ex his, qui remanserant mercaturam exercentes, pulsi quidam sunt, qui dominationem affectare videbantur. Qui quum multas regiones pervagati magnis cum opibus redirent, illi, qui eos expulerant, praemetu reliquerunt sedes suas. In quos quum casu incidissent, eosque impedivissent longius progredi, iam non Argos, pristinam patriam suam, desertam nunc, sed Tirynthem petunt, ubi misere vivebant, qui olim Argis sponte abierant. His Argos

missis, ipsi Tirynthe, communis Midea et Mycenis, regnum condunt potentissimum, parsque eorum insulas Echinades occupat, et ibi latrocinia exercet. Hi latrones postea praedantur Mycenae. Inter Mycenenses lite ob recuperatam praedam orta, fortissimi viri a potentioribus, qui Mycenae et Tirynthem occupant, Mideam autem scelestis quibusdam hominibus committunt, in exilium aguntur. Hi Thebas se conferunt, diuturnoque bello insulas Echinades in potestatem suam redigunt. Posteriores eorum, infestantibus optimatibus Argivorum, qui regno eos excluderant, huc illuc vagati et labores multos pertulerunt et plurima ediderunt egregia facinora. Aliquanto post, acius infectantibus eos Argivis, quum aliquamdiu Trachine latuissent, ad Athenienses concesserunt, quorum auxilio strenue dimicantes fregerunt potentiam Argivorum, ut adeo regnum eorum vastaverint. Sed fame et proeliis attriti, pars se in insulam Rhodum contulit, caeteri alio discessere: qui idemtentata Peloponneso, tandem Naupacti classe structa tantis cum copiis expeditionem susceperunt, ut et subigerent Peloponnesum maximam partem, et eam inter se dividerent.

Sed satis. Quod si quis haec quoque ioco dicta putabit, delectetur ille, per me licet, seriis historicorum, qui ab ipso diluvio, quot annos quisque regum numquam natorum regnaverit, in numero habentes, anno post Troiam captam octogesimo hunc Heraclidarum reditum contigisse sciunt.

CAROLVS GVSTAVVS FIEDLER.

Natus Budissae a. s. f. XCII. patre Augusto Lebrecht, mercatore, postea autem vectigalibus colligendis praefecto, quum pene ad pubertatem venisset, matrem, e gente Marksteinia, morte amisit, postea etiam patrem, gravia passum in proelio ad Bu-

diffam. Commisſus gymnaſio Budiffenſi, anno ſectatis XX. Gottingam ſe contulit, quo propiores haberet infirmæ valetudinis cauſſa aquas Pyrmontanas. Goettingæ ſtudiis camera- libus operam dedit per triennium, Blumenbachio, Hausmanno, Stromayero ducibus, quorum inſtitutionem et benevolentiam magnopere laudat. Inde Gothæ et Waltershuſiæ apud cognatos et amicos propter debilem valetudinem anno exacto, noſtris civibus a Wielandio adſcriptus, in iure Romano Mülleri V. C. inſtitutione uſus eſt.

IOANNES FRIDERICVS ANTONIVS
DEHNE.

Hunc a. ſ. ſ. LXXXVII. Io. Chriſtian. Conradus, chemicus et medicus, quum aliis, tum quas de meloe maiali et tinctura antimonii acri ſcripſit, diſſertationibus clarus, Scheningæ ex Elifabetha Guilielmina, Ballenſtedtii, ducalis ſcholæ rectoris, filia ſuſcepit. Trimulo pater obiit. Annos X. natus, e ſchola oppidi patrii in gymnaſium Helmſtadienſe deductus, quod tum Widenburgio et Lichtenſteinio abbate rectoribus florebat, poſt V. annos pharmaceuticis diſciplinis operam daturus, Hamburgum petiit. Poſt Helmſtadium reverſus, Beireſio potiffimum, et Crel-lio, Remero, Sieverſio præceptoribus phyſicam, chemicam, botanicam tractavit. Inde itinere per regiones Palatinatus facto, Heidelbergæque in primis et Manhemii commoratus, Merſeburgum ſe contulit, ubi Linckii pharmacopolium per quinque-
 annium adminiſtravit, eoque elapſo per annum adhuc in lyceo eius oppidi hiftoriam naturalem docuit. Hinc Lipſiam venit.

ISAAC ASSVR FRANCOLM.

Vratislaviae a. f. f. LXXXVIII. natus patre Assure Cohn, matre Helena e gente Fraenkelia, rudimentis litterarum in schola Regia Guilielmiana imbutus, anno aetatis XIII. Berolinum missus in gymnasium Ioachimsthalianum, sed post aliquot annos domum revocatus, quum patris angusta res familiaris praeceptorum usum denegaret, nullo duce, sed acri studio multos veteres scriptores, praecipue e quibus ad mathematicas doctrinas aliquid profici videretur, lectitavit. Tandem a. h. f. XI. Academiae Viadrinae adscriptus, in philologia magistros sectatus est Heindorfium, Passovium, Unterholznerum, Rohowskium, de Hagen; in philosophia Steffensium, in historia Fr. a Raumer, in physica et astronomia et usu instrumentorum uranoscopicorum Jungnitzium.

 FERDINANDVS FRIDERICVS ZVCK-
SCHWERDT.

Huius pater Io. Henricus, Plaviae Variscorum puellarum institutendarum et organi tractandi munere fungitur; mater, Henrietta Guilielmina e gente Schmidia, non ita pridem mortua. Hi parentes filium, natum a. f. f. XCV. mature Lyceo Plaviensi tradiderunt, unde a. h. f. XIV. Ienam se contulit, prorectore Fuchfio. Ibi lectiones adiit historicas Ludenii, philosophicas Bachmanni, philologicas Eichstaedtii, theologicas Gableri, Schotti, Danzii, Baumgarten-Crusii, Koethii: quibus viris omnibus, praecipue autem Gablero et Schotto, se obstrictissimum dicit. Annos duos et dimidium ibi commoratus, in nostros cives a Wielandio relatus est. Hic praeceptores habuit in philosophia Krugium, in historia Beckium, in philologia eundem et Rostium et Rosenmullerum, in theologia Tittmannum et Tzschirnerum. Ab Illgenio adscriptus est societati historico-

theologicae. Postremo ab S. V. Ordine theologorum cooptatus est in numerum eorum, qui in templo Academico conciones sacras habent. Caeterum maxime laudat Rostium, propinquitatis vinculo sibi iunctum, qui eum et domo sua recepit, et multis aliis modis adiuvit ac sustentavit.

CAROLVS GVILIELMVS GLAESER.

A. f. f. LXXVII. natus Zwickaviae, patre Car. Godofredo, ad aedem D. Catharinae Protodiacono, qui nuper vita functus est, matre Charlotta Rechenbergia, primo paterna institutione usus, ab a. aetatis X. in schola patria praeceptores habuit Longolium, Heringium, et, quos praecipue de se bene meritos ait, Clausios, patrem et filium. A. f. f. XCVII. a Dindorfio civis noster factus, in philologia sequutus est Beckium, quem pie colit, b. Ernestium, inniorem, Raabium, nunc Halae professorem; in litteris Gallicis Flathium, cuius in domo habitavit, summum fautorem suum; in philosophia Platnerum, b. Caesarem; in mathesi Poetschkii scholis usus; historiam universalem, ecclesiasticam, dogmatum, Beckio, reliquas historiae partes, Wielandio duce, cuius innumerabilia de se merita praedicat, tractavit; dogmata religionis Christianae a Keilio accepit. Relicta Academia Viri Gen. de Minckwitz, iudicii provocationum propriae fidei, filiis educandis praefectus est. A. h. f. VII. a Senatu civitatis Fribergensis collega tertius scholae ibi florentis factus, adhuc eo munere strenue fungitur.

IOANNES ERNESTVS RYDOLPHVS
KAEVFFER.

Hic lucem vidit Ricobaci in Lusatia superiore a. f. f. XCH. Patrem veneratur Christianum Goutliel, primo ibi sacerdotali

munere fungentem: matrem Eleonoram e gente Gleisbergia ante biennium mortuam dolet. Ab his maxima cura educatus, per sex annos frequentavit gymnasium Budiſſinum, animumque teſtatur gratiſſimum in magiſtros Siebeliſium et Ottonem. A. h. f. XIII. a Krugio in Academiam receptus, huius ſcholas philoſophicas, Beckii exegeticas, Keilii dogmaticas, Tzſchirneri ſuper hiſtoria eccleſiae adiit. Anno inſequuto ſocietati Sorabicae adſcriptus eſt, cuius praefidi Goldhornio ſe deditiſſimum proſtitetur. Mox Vollſackius, aedilis huius urbis meritiſſimus, educationem liberorum ſuorum ei commiſit, eaque in domo iam tertium annum agit, omni genere benevolentiae cumulatus. Nuper ab S. V. Ordine Theologorum in eos relatus eſt, qui conciones ſacras in aede Paulina habent.

THEOPHILVS FRIDERICVS LVTZ.

Huic Suhla patria eſt. Nato a ſ. ſ. XCV. pater, Io. Nicolaus, intra biennium mortuus; mater, e gente Vſeria, ſuperſtes eſt. Haec et avunculus, Matthaeus Vſer, omnem operam dederunt, ut bonis artibus inſtitueretur in ſchola publica Suhlana, cuius magiſtros, maximeque Loefchigkium, tum rectorem, valde laudat. Inde Schleuſingenſi gymnaſio traditus, paternum amorem expertus eſt Schmidtii, conrectoris. Propter tenuitatem rei familiaris in alumnos receptus, patronum habuit L. B. a Seckendorf. A. h. f. XV. ad Academiam acceſſit, Weiſſio rectore. Hic Wendtium in primis laudat, qui ſibi eum a manibus eſſe voluit, omniſque genere benevolentiae ornavit. Praeter hunc, magiſtros habuit Platnerum, Krugium, Keilium, Tittmaſnum, Tzſchirnerum, Beckium, Poeltzium, me, et Lindnerum. Senatus Academici liberalitatem, a quo victorii beneficium acceperit, gratus memorat. Praeceptoris in ſchola privata, ab Hempelio inſtituta, munere functus, poſtea, auctoritate Gedickii, directoris ſcholae civicae, examine ſupe-

rato, magister in ea schola factus est, nuperque a. S. R. V. Ordine Theol. in concionatores Vespertinos ad aedem D. Pauli cooptatus.

BENIAMIN GOTTHOLD WEISKE.

Scholae Portensis collega tum quartus, Benjamin, huic pater fuit, mater Rosina Dorothea Neumeisteria. Parentum sedula institutione, Langiique, nunc professoris Portensis, formatus, quum caeteros, qui tum erant, scholae illius magistros, tum maxime Heimbachium, duces fautoresque habuit. A. h. f. I. Beckius eum civibus nostris inseruit, a quo tempore in philosophia Platnero et Caro, in theologia Keilio, Tittmanno, Wolfio, in philologia Beckio, et mihi operam dedit, ab illo societati philologicae, a me Graecae adscriptus, in qua iunctae cum Graefio, Handio, Lingio, Passovio, Seidlerio, Thierschio necessitudinis iucundam recordationem servat. Tribus et dimidiato anno Lipsiae exactis, a. h. f. V. Conrectoris in Lyceo Lubbenensi munus suscepit, ubi quum aliorum, tum v. Gen. a Klinguth, Consilarii Regii, benevolentiam sibi contigisse dicit. Otii in litteris positi specimen ibi edidit dissertationem, qua orationem de Haloneso Demostheni vindicavit. A. h. f. VIII. ad Subreitoris munus in gymnasio Gorlicienfi administrandum vocatus est. Ibi Augustiam Henriettam, Hartmanni, consulis quondam Gorlicienfis filiam, uxorem duxit, et editionem Longini, cui pater immortalis erat, absolvit, atque ad Conrectoris munus evectus, libellum de praepositionibus Graecis edidit. A. X. ineunte a supremo Senatu ecclesiastico munus professoris in schola Misenenfi quarti, et ab a. XIV. tertii ei demandatum est. Ibi per octo annos frui ei contigit et patronorum illustrium favore, et collegarum amicitia, et amore discipulorum.

CAROLVS GEORGIVS OPITZ.

Hunc a. f. f. XCV. Zittaviae Charlotta Iulia e gente Kleychia peperit Adamo Benjamini, magistro gymnasii, qui ante hos XVI. annos morte ei ereptus est. In gymnasio patrio ab aetatis X. usque ad XIX. opera in litteris collocata, a. h. f. XV. Lipsiam venit, rectore Beckio, ubi paullo post in societatem Sorabiam receptus est. Theologiae studia sectatus, praeceptores habuit Tittmannum, Winzerum, Beckium, Rosenmüllerum; tum me, Platnerum, Wendtium, alios. Honoribus Ordinis nostri ornatus, nuper Hohensteini, non procul a Chemnitzio, doctoris domestici munus suscepit.

THEOPISTVS GVILIELMVS KIRCHNER.

Ricobaci natus est a. f. f. XCVI. Ioanni Gottlobo, sacrorum ibi antistiti primario, ephoriae Plaviensis Adiuncto, ex Wilhelmina Iokisch, quam sibi morte ereptam dolet. Ex patris et Kircheisenii, rectoris Lycei Ricobacensis disciplina in gymnasium Altenburgense deductus, Matthiae, Messerschmidii, Grossii de se merita praedicat. Biennio ibi exacto, praemiisque publicis et favore magistrorum ornatus, Lipsiam adit rectore Beckio; ubi in philosophia praeceptorem sequutus est Krugium, in theologia Beckium, Keilium, Tittmannum, in litteris Hebraicis, Arabicis, aliisque linguis orientalibus Rosenmüllerum. Vix exacto triennio, patruus eum, M. Baer, cui iam a teneris devinctissimus fuit, successorem sibi elegit in munere ecclesiastico, quod ille in vico, cui Selbena nomen, administrat.

FRIDERICVS GVILIELMVS THIEME.

Natus hic Lipsiae a XCII. patre Christiano Amadeo, cerevisiae coctore, matre Maria Sophia Regina e gente Kuntzia. Rudimentis litterarum imbutus a Lehmanno et Kochlero, nunc magistro apud nos in schola civica, scholam Thomanam adiit, ubi praeceptores habuit Vetterum, Baumgaertelium, Weigelium. Inde scholae Regiae Grimmensis doctoribus Sturzio, Hochmuthio, Graessio, Toepfero, Beichelio, et post eius obitum Hartmanno usus est. Ab Hauboldo civis noster factus, philologicas scholas Beckii et meas, philosophicas Wendtii et Clodii, mathematicas Mollweidii, theologicas Beckii, Keilii, Tittmanni, Tzschirneri adiit. A. h. f. XVI. in Silesiam se contulit ad Michaellem, tractus Haynaviensis seniorem, et Hauptziae prope Haynaviam verbi divini ministrum, ut ibi et huius et aliorum liberos institueret.

HENRICVS ADOLPHVS EDVARDVS

WAGNER.

Natus est a. f. f. XCIV. Lipsiae, patre mercatore Lipsiensi, matre civis Francomontani Saxonis filia. Primis litterarum elementis Francomontii institutus, Lipsiae usque ad a. aetatis XVI. domesticos praeceptores habuit. Ab a. h. f. X. per triennium disciplina scholae Nicolaitanae usum, Krugius in numerum civium Academicorum retulit. Huius et Platneri lectiones philosophicas frequentavit, Beckii, meas, et Rosenmülleri philologicas, Keilii, Tittmanni, Winzeri theologicas. Saepius etiam orationibus sacris habendis exercitatus est.

ERNESTVS FRIDERICVS HOEPFNER.

Audigastum vicus est prope Pegaviam, ubi hic lucem vidit a. f. f. XCVI. Pater eius Io. Frider. Beatus, tum ibi sacra curabat: mater erat Ioanna Sophia e gente Lehmannia: quam quum praematura mors abstulisset, pater Fridericam Henricam, Fritschii, Superintendentis Pegaviensis viduam, duxit. Hic primo filium ipse instituit, deinde per biennium commisit scholae Pegaviensi; mox, quum Lipsiae antistes sacrorum ad aedem D. Georgii factus esset, Nicolaitanae, cuius magistros, Behringerum, Schneiderum, qui ante IX annos mortuus est, Seidlerum et Ern. Schneiderum, professores nunc alterum Halis, alterum Vratislaviae, Lunzium, Forbigerum nimirum laudat. Forbigerus eum etiam privatim Latine scribendo exercuit, Lunzius autem thesauros bibliothecae Senatoriae ei reclusit. Praeter hos etiam Fritschii, nunc ecclesiae pastoris Groitzschii prope Pegaviam; Wisneri, nunc matheos doctoris in gymnasio Numburgensi; et Wineri, nuper apud nos in doctores Academicos recepti, cui se maxime omnium obstrictum dicit, privata institutione usus, a. h. f. XIV. Tittmanno rectore scholas Academicas adiit, et philosophicas quidem Krugii et Platneri, theologicas Rosenmülleri, Keilii, Tittmanni, Beckii, Winzeri, historicas Beckii, Tzschirneri autem super historia ecclesiae. Examinando eum erudiverunt Tittmannus et Keilius. In Hebraica et Chaldaica lingua Wineri operam dedit. Quemadmodum patris amorem quantum nullo non tempore expertus sit, verbis dici posse negat, ita praeceptorum maxime celebrat Tittmannum; ex caeteris autem fautoribus Enkium. Stipendia sibi contigisse gratus memorat ab Rege Potent. ab ampliff. Senatu Lipsiensi, a. S. R. ordine concionatorum Lipsien- tum; tum gentilitia Anthorianum et Hoepfnerianum; denique ad capeffendos honores nostros Grossianam beneficio Regis Augustissimi, et Misnicum, a b. Ravio ei tributum.

CAROLVS EDVARDVS WEICKER.

Parentes habet Car. Theophilum, parochum ecclesiae Arnsdorfinae, pagi prope Ricobacum, matrem Nanettam e gente Roux, quibus natus est a. f. f. XCV. Pater quum eum prima institutione formasset, tradidit gymnasio Zittaviensi a. h. f. IX., ubi per sex annos in secunda primaque classe Rudolphum, Directorem, Kneschkium, Conrectorem, Lochmannum, Subrectorem, praeclare de se meritos ait. A. h. f. XIV. Tittmannus eum in Academiam introduxit. Hic Krugium, Beckium, Wendtium, Keilium, Tzschirnerum, Tittmannum audivit. Primo statim anno in societatem Sorabiam receptus, praesidibus eius multum se debere fatetur, Goldhornio, Winzero, Wendtio. Elapso anno, Senior societatis lectus est. Lindneri scholis paedagogicis usus, magistri munere in schola civica fungi coepit. Nuper S. R. Ordo Theologorum dignum habuit, cui conciones sacras in aede D. Pauli et pago Gohlisio habendi copiam faceret.

FRIDERICVS ERNESTVS GVILIELMVS

SCHMIEDT.

Hunc genuit Georgius Fridericus, sacrorum antistes Nimecae, qui pagus prope Bittersfeldam situs, ex Friderica Guilielmina, e gente Mylia, a. f. f. XCVI. Patrem tenellus amisit. Tanto maior matris fuit in educando cura. Ab hac scholae Misenensi commissus, post quinquennium autem a. f. XIV. a Tittmanno Academiae adscriptus, tum iurisprudentiae, tum artibus liberalibus et philosophiae sedulo operam dedit.

IOANNES ERNESTVS LEBRECHT
PETRINVS.

Huius pater Gofsmariae prope Luccaviam in Lusatia inferiori sacra curabat. Mater fuit Ioanna Elisabetha, e gente Zucholdtia. Ipse natus a. f. f. XCV. Praeparatus a patre, scholae Luccaviensi traditus est. Ibi optima ei institutio contigit Schulzii, Rectoris, Krahneri, tum Conrectoris, et, qui huic successit, Lehmanni. Matre, et aliquot annis post patre orbatus, Krahneri, nunc diaconi Luccaviensis, tantum amorem expertus est, ut hunc virum tamquam alterum patrem veneretur. Septem annis in schola illa exactis ad nos venit, rectore Wielandio. Hic in philosophia ducibus usus est Platnero, Krugio, Wendtio; in historia, tum universali, tum dogmatum religionis nostrae, aliisque doctrinis Beckio; in theologicis Keilio, Tittmanno, Tzschirnero, Winzero, Rosenmüllero. Fautores eximie laudat Beckium, a quo se consiliis et beneficiis adiutum ait, et Starkium, V. S. R. sacerorum urbis et agri Delitienfis antistitem, cuius admirabilem benevolentiam praedicat.

CAROLVS GVILIELMVS THEODORVS
ACKERMANN.

Hic Auerbaci in Variscis natus a. f. f. XCVI. patre Guilielmo, qui illuc ad summum ecclesiae ministerium Leucopetra, ubi diaconi munereungebatur, vocatus erat; matre autem e gente Doeringia. Religionis litterarumque elementa eum docuit Naederus, nunc Radebergae verbi divini minister. Post huius discessum, patris institutione usus est, donec a h. f. IX. Portae traderetur. Ibi per quinquennium Ilgenii, Iohnii, Schmidtii, matheleos professoris, disciplina et favore gavissus est. A. XV. ad Academiam accessit, Wielandio rectore, theologiae studia sequuturus. Vnde Tittmanni, Keilique maxime, et Wolfii scholas,

tum historicas Beckii, philosophicas Krugii, meas philologicas adiit. Patronorum favorem et munificentiam mirifice laudat Keilii et Ludwigii, deinde Clodii, a quo stipendium accepit magisterii capeffendi caussa.

PETRVS AVGVSTVS DVMAS.

Hic ita scribit: Natus sum Hamburgi anno f. f. XCIV. patre Henrico Georgio Ioachimo, Lipsiensi, apud Hamburgenses olim concionatore sacro, et matre Elisabetha, e gente Landolia, Halensi. Vtriusque parentum obitum tristi animo lugeo: nam matre praematura morte ante hos novem annos extincta, pater etiam carissimus his ipsis Ecclesiae restituae sacris saecularibus acerbo fato mihi et fratri sororibusque dilectissimis ereptus est. Literarum elementis imbutus a parentibus et Heisio anno aetatis XII. scholae Ioannei, quae Hamburgi auspiciis Gurlitti floret, traditus sum, cuius civibus interfui per VIII. annos; quo temporis spatium quum institutione et doctrina, tum humanitate et subacti iudicii consiliis optime de me meruit praeter ceteros, quos grato animo veneror, scholae praeceptores, Gurlittus, cuius et nunc summa in me beneficia me publice praedicare posse gaudeo. Vrbe patria a Gallorum tyrannide liberata a h. f. XIII. militiae nomen dedi: quia per annum et dimidium functus, bello prospero rerum successu finito, relictis armis ad literas rediens illustre Hamburgensium Gymnasium adii, literis philologicis historicis et philosophicis operam daturus, ducibus Gurlitto, b. Ebelingio, et Grohmanno. Quorum scholis postquam per novem menses interfuissem, maturum me censuerunt studiis academicis. Petii igitur Lipsiam, quam a. h. f. XV. vidi, rectore Wielandio in academiae cives receptus. In theologicis operam dedi Keilio, Tzschirnero, et Beckio, in philosophicis Krugio et Wendtio, in historicis Beckio, in philologicis Beckio, Spohnio, et Hermannio. In Seminarium philologicum benigne receptus sum a Beckio,

cui plurimum me debere lubenter fateor; ab Hermanno Societatis Graecae sodalis factus. Quorum praeceptorum omnium etsi multa sunt in me merita, tamen prae ceteris Sphonio et Hermanno gratiae quam maximae agenda sunt: quorum alter summa comitate me excepit, immo amicitia ornavit, alter nulla non in me contulit beneficia, eoque ipso tempore, quo patris acerba morte omnibus subsidiis videbar nudatus, commendatione sua effecit, ut Rastenburgum in Borussia ad munus doctoris in gymnasio eius urbis fuscipiendum evocarer.

CAROLVS FRIDERICVS WEBER.

Huic, nato Vimariae a. f. f. XCIV., pater fuit Georgius Theophilus, confiliarius supremae curiae ecclesiasticae, mater autem Ioanna Henrietta, e gente Reyheria. Parvulum, mortuo patre, mater educandum tradidit Rentschio, vici cuiusdam prope Vimariam concionatori. Inde accepit eum Wilhelmus, rector scholae Roslebenensis, ex qua schola post quatuor annos in gymnasium urbis patriae venit. Ibi studiorum duces, adiutores, hortatores habuit Lenzium, Riemerum, et, quem tum patris, nunc amici loco colit, Handium. A. h. f. IV. academiam Ienensem adiit, prorectore Voigtio: ibique auditis per unum et dimidiatum annum lectionibus Ludeni, Bachmanni, Emminghufii, Munchowii, Hornii et Eichstaedtii, quibus viris gratissimum animum testatur, Handio auctore Lipsiam philologiae tractandae causa petiit. Hic praeter Wendtium, Clodium, Krugium, Platnerum, Gilbertum, philologis operam dedit Rostio et Spohnio, tum, quorum in primis favorem laudat, Beckio, qui eum in Seminarium Regium philologicum recepit; mihi, a quo societati Graecae adscriptus est; Seidlero, qui, usque dum Halam discessit, multis eum amicitiae documentis ornavit. Praeter hos maximas gratias agit Blümnero, V. III. bibliothecae Senatorio praefecto, qui summa cum liberalitate ei

librorum, quibus indigeret, utendorum copiam fecit, tum Ordini nostro, qui stipendium Henricianum ei contulit.

FRIDERICVS GODOFREDVS GVILIELMVS
HERTEL.

Hic quoque Vimariae natus est a. f. f. XCV. Parentes, quos adhuc superstites colit, Guilielmus Nicolaus, zonarius, et Ioanna e gente Meissneria, scholae eum urbanae tradiderunt, cuius omnes classes deinceps transgressus, in gymnasium Guilielmo-Ernestinum transiit, usque praeceptoribus Kaestnero, Schwabio, Passovio, Schulzio, Lenzio, Riemero, Weichardto, Handio, cuius paternum animum, quo se non modo in schola, sed etiam domi amplexus sit, et ad societatem philologicam, gratis institutam, admiserit, mirifice collaudat. Nec satis praedicari posse ait munificentiam Ill. feminae de Heygendorf, cuius liberis instituendis, ubi classi selectae adscriptus erat, adhibitus est, plurimis sibi documentis et Vimariae et post Lipsiae cognitam. Ante triennium a Beckio relatus in cives nostros, philologiae studia sequuturus, e theologis audivit Keilium, Tzschirnerum, Winzerum; philosophiae causa Platnerum, Wendtium, a quo societati aestheticae adscriptus est, Clodium, Krugium; historiae Beckium, Krusium, Poelitzium; physices Gilbertum; paedagogices Lindnerum. Dein philologiae quum Beckio aliisque, tum me maxime ducibus operam dedit, receptus in societatem Graecam, ornatusque stipendio ex iis, quae huic societati a Rege Potentissimo destinata sunt. Patrocinium celebrat Io. Georgii Keilii, Magno Duci Vimariensi a consiliis aulicis, cui plurimum se debere praedicat; dein Beckii, per quem sibi Regio convictorio frui contigerit; maximasque gratias agit Amplissimo Senatui urbis nostrae, a quo Wernerii, viri benevolentissimi, studiis stipendio ad consequendos honores

nostros auctus sit; denique Gruneri, mercatoris celeberrimi, cuius liberis instituendis praefectus est, liberalitatem gratissima mente veneratur.

ERNESTVS RVDOLPHVS WILISCH.

Locus natalis huic fuit Viteberga a. f. f. XCVI. Puer scholae Portensi commissus, ubi ei Langii potissimum benevolentia contigit, inter libros exegit tempus illud, quo patria a crudeli hoste vastabatur. Mortuis interea parentibus, Immanuele Ernesto Liebegott, Senatus Viteb. Protonotario, et Sophia Amalia, e gente Marckwordtia, quum Viteberga, cui iam in cunis a b. Boehmero civis adscriptus fuerat, deserta iaceret, Lipfiam se contulit a. h. f. XV. Discedentem a schola praeceptores ornarunt stipendio Misnico; pluribus deinde beneficiis sublevavit Amplissimus patriae urbis Senatus. Medicinae artem tractaturus, harum doctrinarum quos habemus magistros audivit, praeterque eos. Platnerum, me, et Gilbertum. Nunc Eislebii, cui gratissimum animum significat, visendis eum curandisque aegrotis adhibet.

CAROLVS CHRISTIANVS HENRICVS WERTHER.

Hic ita refert: Natus sum Striesenae prope Haynas a. MDCCXCVII. patre Ioanne Christiano, tum Striesenae, nunc Leutevitii rerum sacrarum antistite, matre Christiana Dorothea, e gente Kessmodelia, morte praematura mihi erepta. Ad annum usque XIII. aetatis paterna usus institutione, scholae Afranae traditus sum, ubi per quinquennium fere praeceptores habui Tzschuckium, Koenigium, Hentschium, Weiskium, Luedickium,

Baltzerum, Weichertum, quibus obstrictissimum me esse profiteor. Deinde theologiae operam daturus, Liphiam me contuli a. MDCCCXV. Beckio Rectore. Hic quidem Beckius in historia; idem et Hermannus in philologia; Platnerus, Krugius, Wendtius in philosophia; Keilius, Tittmannus, Tzschirnerus, Winzerus et Rosenmuellerus in theologia duces mihi contigerunt. Caeterum liberalitatem Regis Augustissimi, cujus beneficio per aliquod tempus fruitus sum et adhuc fruor, gratus praedico.

HENRICVS FRIDERICVS GVILIELMVS
SCHVBERT.

Hartensteinii prope Schneebergam a. f. f. XCVI. natus, matrem Fridericam Guilielminam e gente Grossia admodum puer, patrem Christianum Fridericum, ad aedem urbis illius diaconum ante hos XII. annos morte amisit. Vnde aliquamdiu ab avunculo, pastore ecclesiae Wildbacensis, institutus, scholam Schneebergensem adiit, ubi Schaarschmidtii et Haafii, ante aliquot annos vita functorum, et Bornemanni, rectoris de schola illa meritissimi, disciplina usus est. Ibi per VIII. annos ex pluribus, qui ei contigerunt patronis, longe maxime praedicat viduam Haenelii, mercatoris, ut cui soli prosperum studiorum successum debeat. A. h. f. XV. Beckius eum ad Academiam admisit. Hunc et me in philologia, Wendtium, Clodium, Krugium, Platnerum in philosophia, Winzerum, Tzschirnerum, Tittmannum, Keilium in theologia, in mathefi Mollweidium duces habuit. Eximie laudat favorem Platonis, scholae gratuita Directoris meritissimi, qui et necessitatibus eius liberaliter succurrit, et studiorum exercendorum ei copiam fecit.

XXVIII

FRANCISCVS AVGVSTVS NESSLER.

Hic ita: Natus sum Schweinitii ad Vitebergam d. III. mens. Mart. MDCCXCVII, patre Davide Augusto, advocato et iustitiario, matre Ioanna Christiana, e gente Dürischia, praematura morte ante hos duos annos mihi erepta. Quum prima litterarum elementa privati me docuissent magistri, duodecimo ferme anno superato, Chemnitium ad Becherum Rectorem me contuli, ut scholis eius selectis interesssem. Anno h. f. X. alumni Afranis adscriptus, per quinque integros annos Tzschuckii et Hentschii beatt., Koenigii, Kreyssigii, Weiskii, Baltzeri, Weichert et Lüdickii institutione usus sum, quos praeceptores ac duces fidelissimos de rebus meis bene meritos pie veneror. A. XV in numerum civium academicorum Lipsiensium relatus, in philosophia Platnerum, Krugium et Wendtium, in historia politica Poelitzium, in ecclesiastica Tzschirnerum, in physica Gilbertum magistros habui. Isagogen historico-criticam in libros novi foederis Winzerus et homiletices praecepta Tzschirnerus me docuerunt; scholas exegeticas Tittmanni et Beckii, Keilii autem dogmaticas frequentavi; Tzschirnerum theologiam moralem tradentem audiui.

FRANCISCVS ANTONIVS MAXIMILIANVS
FIEDLER.

Natus hic est a. f. f. XCVIII. Spansbergae in tractu Haynensi, quo in vico pater Christianus Antonius Augustus, nunc D. Theol. et dioeceseos Wurzenensis Superintendens, tum sacrorum antistes erat. Mater est Carolina Charlotta e gente Dietericia. Wurzenae b. Weinerti, rectoris scholae urbanae, et patris institutione eo perductus est, ut a. h. f. XI. in Misenensem scholam recipi potuerit. Ibi laudat praeceptores, quos habuit, b. Tzschuckium, Koenigium, b. Hentschium, Weiskium, Kreyssigium, Baltzerum, Weichertum, Lüdickium. A. XVI.

Academiam adiit, scholasque philosophicas Platneri, Krugii et Poelitzii, qui sibi eum a manu esse voluit, unde humanitatem eius et benevolentiam mirifice laudet; philologicas Beckii et meas frequentavit, admissus a me etiam in societatem Graecam. Historiae universalis doctorem habuit Beckium, politicae Poelitzium, ecclesiasticae, tum etiam homiletices et doctrinae moralis Tzschirnerum. Exegeticas lectiones adiit Winzeri, Beckii, Rosenmülleri, Tittmanni; huius etiam dogmaticas et symbolicas. Stipendiis adiutum se gratus praedicat ab Rege Augustissimo, a Consistorio, Senatu, et Diaconis Wurzenensibus, a Boehmio, aliisque.



3 0112 115882695